

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD
(Incorporated in Malaysia – Company No. 524989-M)

Berita Harian – 17 November, 2014 (A)

14 kementerian, agensi dipanggil PAC

» Dalam senarai laporan Ketua Audit Negara akibat lemah tambah baik urus kewangan



◀
**RITA BENOY
BUSHON**

Jawatankuasa Kira-Kira Wang Negara (PAC) memberi komen berhubung penemuan dalam Laporan Ketua Audit Negara Siri 3 Bagi Tahun 2013 yang dibentangkan baru-baru ini.

Menurut Pengerusinya, Datuk Nur Jazlan Mohamed, PAC perlu memanggil 14

kementerian dan agensi seperti yang disenaraikan dalam Laporan Ketua Audit Negara, disebabkan oleh kelemahan dalam melaksanakan penambahanbaikan bagi pengurusan kewangan.

Pengerusi PAC sememangnya mempunyai hak dan seharusnya menyoal mengenai kesungguhan kementerian dan agensi yang terbabit untuk memperbaiki pengurusan fiskal. Saban tahun, contoh ketirisan dan pembaziran yang ditemui.

Kami berpendapat bahawa penemuan berkenaan penting supaya tindakan pemberbaikan boleh dilaksanakan dalam amalan pengurusan kewangan, ditambah pula semasa keadaan ekonomi pada masa ini yang memerlukan perbelanjaan diketatkan.

Menyentuh berita serantau, terdapat beberapa perkembangan menarik yang bertumpu kepada China. Pertama, China akan membuka pasaran saham Shanghai kepada pelabur luar negara, sekali gus memberikan akses kepada pasaran saham bernilai AS\$2 trilion (RM6.4 trilion)

menerusi pelancaran pautan dagangan antara Hong Kong dan Shanghai.

Ini jelas akan memberikan impak besar kepada jiran serantau seperti Malaysia, menjadikan pasaran berkenaan sebagai satu magnet untuk menarik modal pelabur. Oleh itu, pemantauan rapi pautan dagangan ini adalah sangat penting.

Seperti yang dinyatakan oleh Suruhanjaya Kawal Selia Sekuriti China serta Suruhanjaya Sekuriti dan Niaga Hadapan Hong Kong, peraturan dagangan dan penjelasan yang berkenaan, mekanisme kuota harian dan agregat serta lain-lain pengurusan kawal selia dan operasi telah pun dimuktamadkan.

Mengambil kira pautan dagangan yang rapat di antara Malaysia dan China, serta kelaziman penyenaraian saham syarikat yang berpangkalan di China di Bursa Malaysia, kami akan memantau perkembangan ini dengan teliti.

 **Penulis** ialah Ketua Eksekutif Badan Pengawas Pemegang Saham Minoriti (MSWG)